

جَزَائِرِ مَحَاكِمَ

— جمعه ایرتسی —

نومرو	محرم	سنه	اغستوس	سنه	صحیفه
۶۱۳	۲۴	۱۳۰۹	۱۷	۱۳۰۷	۸۹۲۵

(اشبو غزته بهر هفته جمعه ایرتسی کونلری چیقار . سنه لکی در سعادت ایچون مجیدیه یکر می غروش)
 (حسابیله التمش غروشدر . طشره لر ایچون اون بش غروش پوسته اجر قی ضم اولتور . بهر)
 (نسخه سی ینه مجیدیه یکر می غروش اولق اوزره یوز باره یه هر یرده صاتیلور . درج اولنه حق)
 (اعلاناتک هر برندن بر مجیدیه اخذ اولتور . سنه لکینه مشتری اولق استیانلر عدلیه نظارتی)
 (دائره سنده کائن جریده محاکم اداره سنه مراجعت ایلملیدر)

قسمت سومی

اولان موقت مأمورین و کتبه و سائر کفالت
 سندلرینک مقاولات محرر لکرنجه مجاناً تصدیق
 قرار عالی اقتضاسندن اولمسنه و بوقیلدن اولان
 اغنام مأمورلرینک مدت مأموریتلری بر ایکی
 ماهدن و معاشلرینک حد اعظمی دخی بشیوز
 غروشندن عبارت بولنمسنه نظرأ اشبو قرارک
 بشیوز غروشه قدر معاشی اولان مأمورین
 موقته یه ده شامل طوتلمسی خصوصنه بالاستیدان
 اراده سنیة جناب پادشاهی شرف تعلق بیورلمش
 اولدینی بوکره بایورلدی سامی تبلیغ بیورلمش
 اولمغله مقاولات محرر لکریله سائر لازم کلانلره تبلیغ

(فی ۲۰ محرم سنه ۳۰۹ و فی ۱۳ اغستوس)
 (سنه ۳۰۷ تاریخنده بالجمله ولایات استیناف)
 (محکمه سی مدعی عمومیلرینه و مدعی عمومی)
 (بولنمیان محالیر مدعی عمومی معاونلرینه یازیلان)
 (تحریرات عمومی صورتیدر)

معاش و عواندی اوچیوز غروش درجه سنده

کیفیت اولنمق اوزره اشبو تحریراتک نسخ
مطبوعه کافیه و مصدقه سنک لفا ارسال اولندی
بیانیله شقه محبی ترقیم اولندی .

قسم غیر رسمی

(بیک اوچیوز یدی سنه سی مارتک التنجی)
(کونی در سعادت کمرکی اوکنده قبودان سلیمان)
(رئیسک اه ویردی نام سفینه سنده صندالچی)
(رجبی اغاجله ضرب ایدرک مرقومک اثر)
(ضرب بدن وفات ایلدیکی ادعاسیله مظنون علیه)
(اولان سفینه مذکوره طائفه سنندن ماضی)
(اوغلی احمدک اجرا قلنان محاکمه علیه سی)
(ضبط نامه سی صورتندن مابعد)

طرفینک ادعا و مدافعاتنک استماعندن و اوراق
تحقیقه نک مطالعه و تدقیقندن صکره ایجاب کیفیت

لدی المذاکره کرچه متهم احمد تاویل جرم
ایتمکده و وکیل مومی الیه دخی بروجیه محرر
مدافعه ایلمکده ایسه لرده مرقوم رجب قبودان
سلیمان رئیسک کیسه کیدوب طائفه سنندن احمدله
اوتورمقدله ایکن منازعه ویا لطیفه اولدیغی
اکلایه مدینی بر حال ائناسنده بن ابایی دکلم
دیمسیله یکه تعیر ایدیلان اغاجی یرندن چیقارمقدله
اولدیغی و متعاقباً چات دیه بر سس ایشتمسیله
رجبک ییقلدیغی و احمدک فاجیدیغی کوردیکی
شاهدلردن رفعتک مع القسم اخبار ایتسه و پولیس
چاوشی صالح افندی دخی دودست ایتدیکی
احمددن استیضاح ماده ایتدیکنده مرقوم رجبک
کندوسنه بد معامله ایتدیکندن بخله اوردیغی
اقرار ایلدیکی کذلک یمن ایله خبر ویرلمسینه
وسلیمان رئیسک قرائت ایدیلان افاده سی ایله
تحقیقات محلیه سنه مستنداً تنظیم ایدلمش اولان
اساس ژورنالی مندرجاتی اخبارات واقعه یی مؤید
بولنمسنه و مدافعه بیان اولندیغی وجهله یکه نک
قضاء رجبک باشنه تصادف ایتدیکی سوزینک
اخبارات مذکوره ایله قابل توفیق اوله مامسنه
ومذکور اغاجی موضوع اولدیغی محلدن چیقاروب
اودزجه اغیرلق و قالینلی ایله رجبک باشنه اورمسی
هر حالده قتل قصدینه مبتی اولدیغنده اشتباه

براقامسنه و معاینه راپورتنده کوسترلدیکی وجهله
رجبک باشک بش ساتیمترو عمقنده کی جرحدن
متأثراً و متعاقباً وفات ایلدیکی بیلدیرلمسنه نظراً
مرقومک تاویل واهی و وکیل مومی الیهک
مدافعه سی دخی اسباب مسروده ایله مردود
اولوب مرقومک صندالچی رجبی بالنازعه ذکر
اولان یکه ایله باشندن جرح ایدرک اتلاف ایلدیکی
تحقق ایتکله بوصورنله مجرمیتنه اکثریت ثلثان
آرا ایله قرار ویریلرک اولبابده تنظیم و امضا
اولسان قرارنامه علناً قرائت اولندقدله معاون
مومی الیه بمدوح بک مرقوم احمدک محکمه نک
قرارینه نظراً حرکتی قانون جزانک یوز یتیش
دردنجی ماده سنک فقره اولیسنه موافق اولدیغندن
اولوجهله تعین مجازاتی و وکیل مومی الیه دخی
تحقیف جزاسنی طلب ایتلریله مذاکره اوطنه سنه
عودت اولندی .

فی ۱۱ تموز سنه ۳۰۷

جهت جزائییه سی حقنده دخی مذاکره کیفیت
اولندقدله مرقومک حرکتی قانون جزانک یوز
یتیش دردنجی ماده سنک فقره اولیسنه موافق
اولدیغنه و فقره مذکوره دخی برکیمسه من غیر
تعهد بر شخصی اتلاف ایتیش ایسه اون بش سنه
مدتله کورکه قونیلور دیو محرر بولندیغنه منی بو

(اوچیوزاتی سنه سی تشرین اولنک التنجی جمعه)
(ایرتسی کیجه سی اون قباننده کاظم رئیسک)
(قهوه خانه سنده جرح و قتل اولسان قیوچی)
(اوستولک کیفیت قتلندن طولایی مظنون علیه)

(اولان بارکیرجی مصطفی بن حسینک اجرا)
(قلنان محاکمه علیه سی ضبطنامه سی صورتیدر)

اوچیزالتی سنه سی تشرین اولنک النجی
جمعہ ایرتسی کیجه سی اون قپاننده کاظم رئیسک
قهوه خانه سنده جرح و قتل ولنان قیوجی اوستولک
کیفیت قتلدن طولای مظنون علیه اولان بارکیرجی
مصطفی بن حسینک جنایتله اتهامه دائر هیئت
اتهامیه دن تنظیم واعطا قلنان فی ۴ جمادی الاول
سنه ۳۰۸ تاریخ ودرتیوز التمش درت نومرولی
مضبطله ایله استیناف مدعی عمومیلکی مأموریت
بهیه سنک فی ۲۹ جمادی الاولی سنه ۳۰۸ تاریخ
ویدی بیک یوز التمش طقوز نومرولی اتهامنامه سی
اوراق متفرعه سیله فی ۱۷ رمضان سنه ۳۰۸
تاریخنده محکمه جنایتیه تودیع اولمغله بالمطلعه
اصول محاکمات جزایه قانوننک ایکیز قرق
سکرنجی وایکیز قرق طقوزنجی ماده لرینه توفیقاً
شهر مذکورک اون سکرنجی کونی متهم مصطفی
توقیفخانه دن جلب ایله استیجواب ومدافعه سنده
معاونت ایتک اوزره وکیلی اولوب اولدینی
سؤال اولندقدن منتخب وکیلی بولندینی سویلمکله
مرقومه جانب محکمه دن دعوی وکیللرندن قسطاکی
افندی وکیل تعین وقانون مزبورک ادعای

مفسوخیت حقنده اولان ایکیزالتی برنجی ماده سی
مندرجاتی اخطار قلندینی مبین تنظیم اولنان
ضبطنامه تحت امضایه الندی .

ادعای مفسوخیت حقنده معین اولان مدت
قانونیه منقضیه اولمغله اجرای محاکمه سنه مذکوره
شوالنک اون طقوزنجی کونه قرارلشدیرلدی .

یوم مذکورده متهم مصطفی اصولاً توقیفخا -
نهدن جلب ایله وکیلی قسطاکی افندی یاننده
اولدینی ومدعی عمومی معاونلرندن ممدوح بک
دخی حاضر بولندینی حالده علناً محاکمه یه بالابتدار
مرقوم مصطفی استیجواب اولندقدن آستانه لی یکرمی
ایکی یاشنده اولوب اون قپاننده بارکیرجیلک
ایتدیکنی سویلمکله کندوسنه و وکیلی مومی الیه
قانون مزبورک ایکیز التمش دردنجی وایکیز
بشنجی ماده لری مدلولاتی بعدالاطار اتهام
مضبطله سیله اتهامنامه ضبط کاتی جمال افندی یه
قرائت ایتدیرلدی .

مضبطله مذکورده نک مالی مظنون علیه مصطفانک
قیوجی اوستولی جرح ایدرک مرقومک اثر
جرحدن متأثراً وفات ایلدیکی شهادات و بوکا
انضمام ایدن معاینه راپورتی مندرجاتی ایله تحقیق

ایتمش وحرکتی قانن جزانک یوز التمش دردنجی
ماده سی حکمنی مستلزم افعالندن بولنمش اولدیغندن
جنایتله اتهامه قرار ویرلدیکنی و اتهامنامه نک
مفادی دخی مرقومک مذکور مضبطله مندرج
اولدینی وجهله متهم بولندینی بیان وایضاحدن
عبارتدر .

اتهامنامه نک خلاصه سی جانب ریاستدن متهم
مرقومه تفهیم ومعاون مومی الیه طرفندن دخی
اسباب اتهامی بیان وتشریح اولندقدن صکره
مرقوم سویلتدیرلکده وقمه کیجه سی غلطه ده
عشرت ایدرک زیاده سیله سرخوش اولدینی حالده
ساعت ایکی راده لرنده اون قپاننده کاظم رئیسک
قهوه خانه سنه کلوب ایجرویه کیره رک سیغاره سی
یاقدینی وطیشارو چیقار ایکن اوراده بولنان
قیوجی اوستول کندوسنی ایتدیکی صره ده یه
دوشه جک کی اولمش ایسه ده دوشمیوب وقیودن
چیقه رق فس قالبجیسی قره بتسک دکانی اوکنه
کلوب یارم ساعت اوراده اوتورقدن صکره
بولیسار بالورود کندوسنی دردست ایتدکیرینی
ومرقوم اوستولک جرح وقتلنده مدخل ومعلوماتی
اولدینی بالیمان مضبوط افاده سی دائره سنده انکار
جرم ایلدی اساس ژورنالر یله معاینه راپورتلری

واپوستولک قبل الوفات ضبط اولنان افاداتی قرائت
ایتدیرلکده بولردن ژورنالر مالی جریان
وقوعاتی حکایه ایله مصطفانک اوستولی جرح
ایتدیکی ختنجریله برابر دردست ایلدیکنی ومعاینه
راپورتلرینک مزایای اوستولک صدرینک صاغ
طرف اوچنجی ودردننجی مسافه بین الضلعینی
اوزرنده اوچی سیوری برآلت قاطعه ایله حاصل
مستعرضاً اوچ ساتیمترو طولنده عمق جوف
صدره قدر برعدد جرح کوریلرک تیتنده بولنان
رئنه ک قطع اولندینی و بوجریحه سندن ناشی
ذات الرئه جرحی کلرک اندن یعنی جریحه سی
نتیجه سندن وفات ایلدیکنی ومرقوم اوستولک
افاده لرینک خلاصه سی دخی وقعه کیجه سی کاظم
رئیسک قهوه خانه سنه بارکیرجی مصطفی برطاقم
طلومبه جی رفیقلریله کلرک منازعه ایتدیکی
و کندوسیده عیدر دیدیکی صره ده مرقوم مصطفی
هان خنچرینی چیقاروت صاغ مومی اوستندن
جرح ایلدیکنی حاویدر مدعی عمومی طرفندن
شهود پوصله سی ویرلدیکندن محکمه جانبندن
باجلبنامه دعوت اولنه رق ورود ایدن کاظم رئیس
ودوکه جی قره بت ورنده جی حسین وکاظم رئیسک
تابی اسماعیل اصول محاکمات جزایه قانوننک
ایکیز التمش سکرنجی ماده سنه توفیقاً منفرداً

و مواجۀه استماع اولندقلرنده بونلردن كاظم رئيس
 وقعه كيجهسى ساعت ايكي راده لرنده قهوه خانه سنه
 كلهرك متهم مصطفىانك زياده سيله سكر حال اوله رق
 قهوه خانه قپوسندن چيقمقده واپوستولك دخى
 ايجروده بيكه اوستنده اوتورمقده بولندقلرى حالد
 ايجرو كيرديكنده اپوستولك مصطفى بنى اوردى
 ديهرك يره دوشمى اوزرينه مرقومك ياره سنه
 باقدقلرنده صاغ مەسى اوستندن جرح ايدليكنى
 وز ياده قان اقدىغنى كورمسيه همان مصطفىانك
 ارقه سندن كيدر ك دردست ايله پوليسلره تسليم
 ايتديكنى وقره بت دخى وقعه كيجهسى كندوسى
 واپوستول بر آز سرخوش اوله رق كاظم رئيسك
 قهوه خانه سنده اوتوردقلرى صروده متهم مصطفى
 زياده سيله سرخوش اولديغنى حالد كلوب سيفاره سنى
 ياقق اوزره اوچاق باشنه كيدر ايكن اياغى قابوب
 اپوستولك ياننه دوشهرك قالدقدن صكره اپوستول
 بنى زوقلنيورميسك ديدىكى مصطفى دخى سويلنهرك
 اوچاق باشنه كيديكى ائناده اپوستول بن سنى
 دكليه م اون پاره قهوه به ويره يورم ديمسى
 و مصطفى دخى بنده ويره يورم ديهرك اپوستولك
 يانه كيدوب يكديكرينه صاريله رق قهوه خانه نك
 اورته سنه قدر كللى اوزرينه مصطفىانك ينده
 كوردىكى بر خنچرى اپوستول باشنده كى فسيه

وقتل ايدلىكى اپوستولك قبل الوفات ضبط اولنان
 افاده سى واخبارات و معايينه راپورتى مندرجاتى
 ايله تبين ايدليكندن مجرميتك تحت قراره النمسنى
 ووكيل مومى اليه دخى اپوستول جارحنك موكلى
 اولديغنى مجروحيت حاليه سويلديكندن وكرچه
 موكلى اپوستولى جرح ايتيش اولسيدي محل
 وقعه ده بولنان شاهدلرك كورملى لازمكلوب
 حالبوكه شهود مرقومه موكلنك جرح ايتديكنى
 كورمداكلرندن و معايينه راپورتى دخى جارحنك
 موكلى اولديغنه دلالت ايتيه جكنندن بخله موكلنك
 برائت ذمتنه قرار و يرلمسنى طلب و درميان
 ايتيليله ولى السؤال طرفينك بشقه برديه جكلرى
 اولديغنى اكلاشمله محاكمه نك ختام بولديغنى بيان
 اولنه رق مذاكره او طه سنه كلندى .

طرفينك ادعا و مدافعاتنك استماعندن واوراق
 موجوده نك مطالعه و تدقيقندن صكره ايجاب كيفيت
 مذاكره اولندقدن هر نقدر مهم مصطفى انكار
 جرم ايتمكه ووكيلي دخى بوجه محرر مدافعه
 ايلمكه ايسه لرده اپوستولك قبل الوفات ضبط
 اولنان افاده سنده جارحنك مصطفى اولديغنى
 سويلمسنه و مرقوم مصطفى اپوستول ايله منازعه
 ايتديكى ائناده اپوستولك فس ايله مصطفىانك

يدندن خنچرى الوب ائديغنى وبعده اپوستول
 بن اورلشم ديهرك دوشمى اوزرينه باقدقلرنده
 صاغ مەسى اوستندن مجروح اوله رق قان اققده
 اولديغنى كوردكلرى قره بت و حسيبن و اسماعيل
 و حاجى حسن و اشرفك مع القسم و متحداً اخبار
 ايتلرينه و كاظم رئيسك افاده سى دخى اخبارات
 مذكوره بنى مؤيد بولمسنه واپوستولك جرحدن
 متأثراً وفات ايتديكى معايينه راپورتنده كوسترلمسنة
 و مدافعاته كلنجه بر كيمسه كرك صحتده و كرك
 خسته لك حانده بولسون اصل جارحنى بر اقوبده
 آخره اسناد جرم ايتيه جكى مثللو شاهدلرك مطلقاً
 صورت جرحى كورملى لازم كليوب ائناى
 منازعه ده اپوستولك مصطفىانك يدندن خنچرى
 اله رق اندقدن صكره مجروح اولديغنى حالد دوشديكى
 كورمش اولملى جارحنك مصطفى ايدوكنه
 درجه كافيه ده بولمسنه نظراً مرقوم مصطفىانك
 اسكارى واهى ووكيل مومى اليه مدافعاتى دخى
 ذكر اولنان اسباب ثبوتيه ايله مردود اولوب
 مرقوم مصطفىانك بالمنازعه خنچر ايله اپوستولى
 جرح و قتل ايتديكى تحقق ايتمكه مجرميته متفقاً
 قرار و يريلوب تنظيم و امضا اولنان قرارنامه علناً
 قرائت ايدلا كده معاون مومى اليه مرقوم مصطفىانك
 حركتى قانون جزاك يوز يتيش دردنجى ماده سنه

موافق اولديغندن اولوجهله تعين و وکیل مومی الیه
دخی تخفیف مجازاتی طلب ایتملریله مذاکره
اوطه سینه عودت اولندی .

جهت جزائیه سی دخی مذاکره اولندقدہ
متهم مصطفانک حرکتی قانون جزانک یوز یتیش
دردنجی ماده سنک فقره اولیسنه موافق اولدیغنه
وفقره مذکورده دخی برکیمسه من غیر تعمد
بر شخصی قتل و اتلاف یتیش ایسه اون بش سنه
مدتله کورکه قونیلاور دیو محرر بولندیغنه منی
فقره مذکورده حکمنه توفیقاً و ابتدای توقیفی اولان
اوچیوز سکر سنه سی ربیع الاولنک اوچنجی کونندن
اعتباراً مرقوم مصطفانک اون طقوزنجی ماده
قانونیه منطوقنجه بعدالتشهر اون بش سنه مدتله
کورکه قونلمسینه واستنطاق و ضبط و اعلام
خرج لری اولان جمعاً یوز او توز غر و شک مرقومدن
بالتحصیل عدلیه و زنه سنه تسلیم ایتدیرلمسینه اوچیوز
سکر سنه سی شوالنک اون طقوزنجی کونه
مصادف اولان اوچیوز یدی سنه سی مایسنک
اون بشنجی کونی کذلک متفقاً قرار ویریلهرک
علناً تفهیمی اجرا و اصول محاکمه جه معین اولان
معاملات سائر دخی ایفا قلندی .

فی ۱۳ حیران سنه ۳۰۷

بیک اوچیوز اتی سنه سی نیساننک یکر می
دردنجی کونی اقشامی اون قپاننده یشیل
جوارنده قول اغاسی رضا بکک خانه سنه سرقت
قصیدله کیردیکی ادعا اولنمسندن طولانی مظنون
علیه اولان اوستریالی نیقولی ولدپوسجک جنایتله
اتمانه دائر هیئت اتهامیه دن تنظیم اولنان فی ۱
اگستوس سنه ۳۰۶ تاریخ و یوز طقسان طقوز
نومرولی مضبطه الیه استیناف مدعی عمومیلکی
مأموریت بهیه سنک فی ۲۷ اگستوس سنه ۳۰۶
واوچیک طقوز یوز الی نومرولی اتهامیه سی
اوراق متفرعه سیله فی ۱۱ ایلول سنه ۳۰۶
تاریخنده محکمه جنایتیه تودیع اولنمغله بالمطالعه
اصول محاکمات جزائیه قانوننک ایکوز قرق
سکرنجی و ایکوز قرق طقوزنجی ماده لرینه توفیقاً

(صورتیدر)

سنه مذکورده تشرین اولنک اوننجی چهارشنبه
کونی مرقوم نیقولی توقیفخانه دن کتوردیلهرک
اوستریا دولت فخمیه سی قنچلاریه سی ترجمانلرندن
موسیو اوتو حاضر بولندیغنی حالده استجواب
و مدافعه سنده معاونت ایتک اوزره ر وکیل
انتخاب ایتسی تکلیف اولندقدہ دعوی وکیللرندن
شایوح افندی بی بالانتخاب وکیل تعین ایلدیکی
سویلمسیله قانون مز بورک ادعای مفسوخیت
حقنده اولان ایکوز الی برنجی ماده سی مندرجاتی
اخطار ایلدیکی مبین تنظیم ایدیلان ضبط
ورقه سی تحت امضایه الدیرلدی ادعای مفسوخیت
ایچون معین اولان مدت قانونیه منقضیه اولمغله
مرقوم اجرای محاکمه سی سنه حالیه تشرین اولنک
یکرمی طقوزنجی بازار ایرتسی کونه
قرارلشدیرلدی .

یوم مذکورده قانون مز بورک ایکوز التمش
اوچنجی ماده سنه توفیقاً متهم مرقوم نیقولی
توقیفخانه دن کتوردیلهرک وکیل شایوح افندی
یاننده اولدیغنی و ترجمان مومی الیه ایلهمدعی عمومی
معاونلرندن مصطفی افندی حاضر بولندقلری حالده
محاکمه علنییه بالابتدار متهم مرقوم استجواب
اولندقدہ اوتوز اوج یاشنده اوستریالی اولوب

ذکر اولنان مضبطه نک مالی متهم مرقومک
قول اغاسی رضا بکک خانه سنه مجهول الاسامی
ایکی نفر رفیقيله و سرقت قصیدله کیردیکی اخبارات
ودلائل و امارات و اقراری الیه تحقیق ایلمش
و حرکتی قانون جزانک ایکوز او توننجی ماده سنک
ذیلی موجبنجه ایکوز یکرمنجی ماده سی حکمنی
مستلزم افعال جنائییه دن بولنمش اولدیغندن
جنایتله اتهامیه قرار ویرلش ایدوکنی و اتهامیه نک
مزایامی دخی مرقومک اولوجهله متهم بولندیغنی
بیان و ایضاحدن عبارتدر .

قانون مز بورک ایکوز التمش الننجی ماده سنه
توفیقاً اتهامیه نک خلاصه سی متهم مرقومه تفهیم
و معاون مومی الیه طرفندن دخی اسباب اتهامی
بیان و تشریح ایدلدکدن صکره مرقوم سویلتدیر -
لکده یوم مذکورده سلطان محمدده توتون
تجاقیسی و انکلک خانه سنده اقشامه قدر عشرت

ایستادن صکره اون قیاسدن کوپری به طوغری
 کورکن تصادف ایتدیکی ایکی قادیسک اشارتله
 کندوسنی ذکر اولنان خانه به کوتوروب قیودن
 کیر کیرمز یانغین وار دیو فریاد ایتلرینه مبنی
 پولیس وژاندارمه لر بالورود کندوسنی دردست
 ایتدکلرینی وخرسزلق مقصدیه کتمیوب زنیاره لک
 ایچون کتدیکنی بالیان انکار جرم ایلدی اساس
 ژورنالی لدی القرائه مندرجاتی اواقشام بعدالافطار
 رضا بکک خانه سنده خدمتچیلک ایدن صالح
 وزوجه سی طرفدن وقوعبولان فریاد اوزرینه
 محلی پولیس مرکرندن کیدیوب مرقوم نیقولی
 خانه دروننده دردست ایله مرکز کتور یله رک
 استجواب اولندقدقه رفیقاری اولوب فرار ایدن
 ایرانی حاجی حسین ایله دیگر حاجینک تشویقیله
 خرسزله کیردکلرینی وایکی رفیقنک فرار ایتدکلرینی
 اقرار ایلدیکنی میندر مدعی عمومیلک جانبدن
 ویریلان شهود بوصله سنده اسامیسی محرر اولوب
 دعوت واقعه به مبنی کلش اولان سیواسلی الی بش
 یاشنده بازارچی یوسف ایله خرپوطلی بکرمی
 سکر یاشنده محله بکجیسی علی بعدالتحلیف منفرداً
 ومواجهه استماع اولندقلرنده بونلردن بازارچی
 یوسف وقعه اقشامی اونده قهوه ایچر ایکن
 خارجدن یانغین وار دیو بر سس ایشتمسیه

وسبق ایدن اقرارینه نه دیه جکی متهم مرقومدن
 صورلدقدقه افاده سابقه سنی تکرار ایله برابر
 شهادات واقعه بی قبول ایده میه جکی کی پولیس
 دائره سنده کندوسنی فنا حالده ضرب ایتدکلری
 جهتله اللرندن قورتلمق ایچون اوله سویلدیکنی
 وحالبوکه ارقداشلاری اولمدینی مثللو خرسزاق
 ایچون کتمیوب کندیس قادیلر طرفندن چاغریلدیغنی
 تذکار و افاده سابقه سنده اصرار ایللمسیه ولدی التذکر
 متهم مرقومک حین دردستنده حاضر بولنان
 و مرکرده کی اقرارینی ایشدکلری اوراق میانندن
 اکلاشیلان پولیس وژاندارمه لک جلبلرینه قرار
 وبریله رک اکال محاکمه ک یوم آخره تعلیق قلندیغنی
 طرفینه تفهیم ایلدی .

(ایکجی محاکمه)

سنه مذکور کاتون اولنک اون طقوزنجی
 چهارشنبه کونی متهم مرقوم توقیف خانه دن کتور -
 دیله رک منتخب وکیلی شایوچ افندی یاننده اولدیغنی
 ومدعی عمومی معاونلردن ممدوح بک ایله ترجمان
 مومی الیه موسیو اوتو حاضر اولدقلری حالده
 محاکمه علیه به دوام اولسه رق محاکمه سابقه ده
 جلب و استماعلرینه قرار ویرلش اولانلردن

ژاندارمه علی چاوشک بالاستغفا چیقدیغنی ژاندارمه
 قوماندانلغندن جواباً بیسایرلش اولدیغندن
 دیگرلری کلش اولان اوتوز یاشنده پولیس چاوشی
 لطفی ونفر احمد ومحمد افندیلر بعدالتحلیف استماع
 اولندقلرنده جمله سی دائره استنطاقده کی افاده لری
 وجهتله متهم نیقولینک حین اقرارنده حاضر
 بولنوب افاده ورقه سنک زیرنده موضوع اولان
 امضانک کندی امضالری ایدوکنی سویلملریله
 نه دیه جکی متهم مرقومدن صورلدقدقه مومی الیه مان
 لطفی افندیدن ماعداسنک کندوسنی دوکدکلرینی
 وشهادت لری قبول ایده میه جکی و وکیلی شایوچ
 افندی ژورناله خانه نک قیوسی اختیار ایله
 آجیله رق کیرلیدیکی مذکور اولوب کرک شهودک
 شهادتنده وکرک موکلنک النده و اوزرنده
 اختاره دائر بر شی بولندیغنی تذکار ایتملریله
 معاون مومی الیه کندیسنی دوکدکلرینی سویلدیکی
 پولیس افندیلرک هیئت اتهامیه جه منع محاکمه لرینه
 قرار ویرلدیکندن بو حالک شهادته مانع اوله میه جغنی
 و وکیلک دخی سویلدیکی سوزلرک مدافعه زماننده
 سردی لازم کله جکی بیان ایتمسیه تحقیقاتک
 بوندن عبارت ایدوکی بیان اولندقدقه معاون
 مومی الیه مرقوم نیقولینک قول اغایی رضا بکک
 خانه سانه سرقت قصدیه وایکی ایرانی رفیقیه

ادعای او چو یزدی سنه سی ایلونک دردنجی
چهارشنبه کوفی ساعت التیده فصل ورؤیت
اولنه جغندن یوم ووقت مذکورده مدعی علیه
مرقوم آیشینامک بالذات محکمه مذکورده حاضر
بولنمی و یا خود مصدق سندله بروکیل کوندرمی
لازم کله جکی و شاید کلز و وکیل کوندرمز ایسه
حقنده اصول محاکمه تجارت نظامنامه سنک مواد
مخصوصه سنه توفیقاً عن الغیاب معامله قانونیه نک
اجرا اولنه جغنی معلوم اولوق اوزره تنظیم اوانسان
دعوتیه ورقه سی محکمه نک دیوانخانه سنه تعلیق
اولندی کی غزته لر واسطه سیله دخی اعلان کیفیت
استدار قلندی .

فی ۱۳ محرم سنه ۳۰۹
وفی ۶ اغستوس سنه ۳۰۷

عثمان طالب اغانک باغجی اصنافندن صالح
افندی ذمتنده بااعلام الاجنی بولنان معلوم المقدار
مبالغک تأمین استیفاسی ضمننده تحت حیزه النان

مولویخانه قیوسی خارچنده مرکز افندی محله سنده
شهیدلک نام دیگر چریچی چاری طریقنده واقع
تخمیناً طقوز دونمدن عبارت اولوب یدی بیک
ایکیوز کتوکی و بر شرابخانه و بر سرکه مغازه سی
وتحتانی براوطه مع آخوری و برعادی قیوی
واشجار مشمره بی حاوی اون سکر نومرولی
برقطعه باغده مدیونک متصرف اولدینی نصف
حصه سنک تاریخ اعلاندن اعتباراً اون بش کون
صکره بالمزایده فروخته تشبث اولنه جغنی درسعادت
اعلامات نظامیه اجرا دائره سنندن اعلان
اولنور .

فی ۷ اغستوس سنه ۳۰۷

اوراحام ولد رفائیک $\frac{24}{18}$ نومرولی اعلام
موجبیه اوراحام ازکنازی به محکوم به دینی
اولان معلوم المقدار مبالغک تسویه سی ضمننده
خاصکویده کیچه جی پیری محله سنده خراب چشمه
زقاغنده مکرر اوچ نومرولی برقطعه عرصه

بالمزایده طقوز یوزغروش بدل ایله طالبی عهده سنده
تقرر ایلیکنندن تاریخ اعلاندن اعتباراً اوتوز بر
کون ظرفنده بدل مذکور اوزرینه یوزده بش
ضمیله طالب اولنلرک بک اوغلی بدایت محکمه سی
اجرا مأموریتنه مراجعت ایتملی اعلان اولنور .

فی ۷ اغستوس سنه ۳۰۷

میخال و پترونک شهر امانت جلیله سی
وزنه سنه بااعلام دیناری اولان مبالغک تأمین
استیفاسی ضمننده تحت حیزه النان قاضی قریه سنده
عثمان اغا محله سنده اشکمه جی زقاغنده الی نومرو
ایله مرقم مع فابریقه بر باب میخانه نک مع ملک
و کدک یوز یکر می سهم اعتباریه مرقم پترو
عهده سنده بولنان قرق سهمیه محله مذکورده
کلیسا زقاغنده یدی و طقوز نومرولرله مخلوط
و میخال عهده سنده بولنان میخانه نصف حصه سنک
تاریخ اعلاندن اعتباراً اون بش کون صکره

بالمزایده فروخته مبادرت اولنه جغنی اسکدار اجرا
دائره سنندن اعلان اولنور .

فی ۱۳ اغستوس سنه ۳۰۷

سیواسلی خلیل دهده نک محمد شکری افندی
ذمتنده برنجی حقوق $\frac{24}{18}$ نومرولی اعلام موجبیه
الاجنی بولنان معلوم المقدار مبالغک تأمین استیفاسی
ضمننده تحت حیزه النان قاضی قریه سنده
اوچیلر باشنده واقع تخمیناً اوتوز آرشون عرصه
اوزرینه مبنی اولوب فوقنده بر اوطه بی شامل
یکرمی سکر نومرولی دکانک یوز یکر می سهم
اعتباریه مدیون مومی الیهک عهده سنده بولنان
یتیمش بش سهم حصه سی بوندن اقدم لدی المزایده
لیرای عثمانی یوزغروش حسابیه طقوز بیک بش
یوز غروشد طالبی عهده سنده تقرر یتیمش
اولدیغندن بوندن زیاده یه یعنی یوزده بش ضمیله
طالب اولنلرک تاریخ اعلاندن اعتباراً اوتوز بر

کون ظرفنده پی سورملری لازم کله جکی و مدت
مذ کوره نك انقضاسنی متعاقب قرار قطعیسی کشیده
قلنه جغندن اندن صکره قبول اولنمیه جنی در سعادت
اعلامات نظامیه اجرا دائره سندن اعلان
اولنور .

فی ۱۴ اغستوس سنه ۳۰۷



اوستیان و صوفی و افنک سرونیان قادینلرک
قرتال بدایت محکمه سندن صادر اولوب فی ۱۹
محرم سنه ۳۰۶ نومرویه مقید اعلام موجبینجه
رفیهه خانم ذمتنده الاحقرلی بولنان مبالغت تأمین
استیفاسیچون خانم مومی الیهانک عهده سنده
اولوب تحت حجزه النان مفتی علی محله سنده قاضی
چشمه سی جاده سنده واقع تقریباً التیوز طقسان
ایکی آرشون عرصه اوزرینه مبنی دروننده
جامکانلی بر اوطه و برفسقیه لی شادر وانی و بر یحق
لوله ماء لذیدی حاوی صفوقلنی ایله ایکی حلوت
واون یدی قورنه وایکی ابدستخانه وارقه طرفنده

بشیوز آرشون مقداری بر اودونلنی و دروننده بر
اوشاق اوطه سی و بر قیوی و بر صفوق صو
خزیننه سی و بر ابدستخانه و بر کلخانی و اتصالنده
اوتوز آرشوندن عبارت بر قطعه آجیه قلنی شامل
وشهری یدیوز غروش ایجارلی قرق اوچ
نومرولی بر باب حمامك ثلث حصه سی بوندن اقدم
لدی المزیاده لیرای عثمانی یوز غروشون اولمق اوزره
اونبر بیک غروشده طالبی عهده سنده تقرر ایتیش
اولدیغندن بوندن زیاده یه یعنی یوزده بش ضمیله
طالب اولنلرک ودها زیاده معلومات المقی استیانلرک
تاریخ اعلانندن اعتباراً اوتوز بر کون ظرفنده
بالمراجعه پی سورملری لازم کله جکی و مدت
مذ کوره نك انقضاسنی متعاقب قرار قطعیسی کشید
قلنه جغندن اندن صکره ضم قبول اولنمیه جنی
در سعادت اعلامات نظامیه اجرا دائره سندن
اعلان اولنور .

فی ۱۲ اغستوس سنه ۳۰۷

